

Tschients ch'admiran il tarment Lumnezian en l'Aathal

L'exposiziun en il museum «Silber+Silber» va a fin la dumengia

■ (anr/vi) Pir avant in onn ha el vesì per l'emprima giada la glisch dal mund. Tuttina ha el gia fatg ina turnea considerabla. El è stà a Hamburg, a Turitg ed a Lucerna. Da preschent vegn il tarment Lumnezian admirà en il museum «Silber+Silber» en l'Aathal. Tschients da personas vegnan di per di en il pitschen museum e vulan vesair il pli grond cristal ch'ins ha chattà insacur en las Alps. Atgnamain ston ins discurren d'ina gruppa da cristals, damai ch'i sa tracta d'in crap cun plirs cluters.

Tuttas gasettas turitgaisas han rapportà dal «coloss» ch'è sa furmà durant tschients-millis onns en las grundas dal Piz Regina. Il «Tages-Anzeiger» ha scrit: «Ina

vart dal gigant lumnezian taglisch resch alv – quai n'è betg tipic per cristals alpins che han savens ina color turblentada da fim perquai ch'els èn creschids en granit.» Ma il lumnezian saja sa sviluppà en la plattamorta grischuna che domineschia al Piz Regina. Lezza haja regalà al cristal che paisa pli che 1100 kilos ina glischur seraina, di il geolog da «Silber+Silber».

Il film fa impressiun

Il museum ad Aathal mussa la gruppa anc fin ils 4 da fanadur. Philipp Kuster che lavura en il museum di ch'i vegnia mintgant tranter tschingttschient fin milli personas. Il lumnezian saja in grond success. Il museum sa chatta gist visavi il «Dinosaurier-

museum». Da mal'aura fetschianblers ina visita gist ad omodus museums.

Il visitaders n'admiran betg mo il cristal, els stattan era ari avant la televisiun. Lezza mussa il film che la TvR ha fatg cun Michael Flepp e ses ami Alfons Derungs. Ils dus chavacristallas han lavurà trais onns per dumagnar il stgazi ord las grundas dal Piz Regina. Il visitaders che contemplan il film paran bunamain pli impressiunads da las stentas e murdarias dals chavacristallas che da las taglischurs misteriusas dal grond crap.

L'exposiziun en «Silber+Silber» ad Aathal va fin ils 4 da fanadur ed è averta da las 15.00 fin las 17.00. Ils 7 ed 8 d'avust è la gruppa da cristal a Mustèr e l'atun a Minca.



La dunna veglia è fascinada e raquinta: Pli baud haja ella chattà ina pitschna gruppa da cristals, «ma quest glimari qua è sa chapescha insatge tut auter.»